



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Qvæstio XII. De Satisfactione, Quæ est tertia pars Sacramenti oenitentia. &  
primò, de eius essentia.

---

[urn:nbn:de:hbz:466:1-72898](#)

## 256 Quæst. II: De Sigillo Confessionis. Att. 4. 5.

Affirma-  
tur.

Sed verius est, absolute posse. Ita ceteri Docto-  
res. Probatur Primò: Ex Capitulo Significati, de  
Adulterijs, ubi habetur quomodo Sacerdos deter-  
merit adulterium cuiusdam mulieris cum alio Sa-  
cerdote ipsa volente. Probatur Secundò: Ratio-  
ne. Nam dum pœnitens concedit hanc facultatem  
Sacerdoti, perinde facit secundum estimationem  
moralē, ac si ipsem alteri diceret: perinde enim  
est siue per te dicas tertio, siue facias pœtestatē Sa-  
cerdoti ut illi dicat. Confirmatur: Quia ille ter-  
tius non censetur scire ex confessione, sed extra  
confessionem.

Permitte-  
ns peccatum  
iuum reue-  
lari, non  
dispensat  
in iure  
diuino.

Dices Primò: Sacerdos Iure Diuino tenetur  
peccatum iuum reue-  
lare; atqui pœnitens non potest dispensare in Iu-  
re diuino: ergo &c.

Respondeo: Pœnitentē non dispensare in Iure  
diuino, sed per suum cōsensum apponere circum-  
stantiam, quā posita, definit Ius diuinū obligare.  
Sicut si condones mihi quod tibi iuramento pro-  
missi, non dispensas in iuramento, sed apponis cir-  
cumstantiā, quā posita, definit iuramentū obliga-  
re: nam solum in tui fauore obligabar, ac proinde  
sub tacita quādam conditione, siempe si velles.

Dices Secundò: Sigillum introductū est in fa-  
uorem publicum; sicut priuilegium illud quōd  
Clericus non posuit trahi ad tribunal seculare: er-  
igitur Clericus non potest huic fauori renun-  
tiare, ita nec pœnitens illi.

Respondeo: Præceptū Sigilli confessionis pri-  
mariò introductū est in fauorem pœnitentis. Pri-  
marius enim finis est, vt confessio non esset suspe-  
cta & metuenda pœnitenti; non autem, vt honor  
haberetur Sacramento: quamquam hinc pendeat  
ratio obligandi; sicut obligatio iuramenti promis-  
sorij tota est in fauorem eius, cui fit promissio; ra-  
tio tamen obligans est reuerentia Religionis. Se-  
cūs est de priuilegio Clericorum: hoc enim datū

est principaliter in honorem Ordinis Clericalis,  
qui censetur contemni, & iniuriā affici in omni-  
bus Clericis, dum aliquis Clericus ad tribunal  
seculare pertrahitur.

Obseruandum tamen Primò: Hanc licentiam  
debere cōcedi exp̄sē, vt omnes fatentur. Neque Qualis de-  
sufficit implicita seu interpretativa licentia; mul-  
toque minus sufficit ratihabitio. Secundò: Debe-  
re esse omnino liberam, nulloque modo coactam.  
Vnde si vxor coacta à marito, daret hanc pote-  
statem Confessario, esset sacrilegium reuelare; catu-  
m posse re-  
uelari pec-  
cata.

Tertiò: Debere subesse iustum causam: alioquin  
si leui de causa fiat haec concessio, nihilominus  
erit aliquod peccatum sacrilegij reuelare: per se  
tamen non esset mortale: posset tamen esse mor-  
tale ratione scandalī.

### ARTICULUS V.

Vtrum, quando Confessarius alia  
viā nouit peccatum siue ante si-  
ue post confessionem, posset illud  
reuelare?

Respondeo: Certum est, posse: vt communi-  
ter docent DD. Vide Nauarū Capit. Sacer-  
dos, num. 161. Probatur: Quia per confessionem tur-  
non amittit ius illud, quod anteā habebat, vel pōst  
aliā viā acquisivit: alioqui confessio eruerteret iu-  
dicia, & fraudibus patrocinaretur: vt, si aliquis  
coram duobus Sacerdotibus crimen homicidij  
commisisset, illis confiteretur, ne posset accusari  
vel deserri.

Cauendum tamen, vt nihil amplius dicat, quām  
extra confessionem nouit: neque magis affirmet,  
quām ratio per quam nouit, patiatur. Cauendum  
quoque omne scandalum.

16

Affirma-

## Q V A E S T I O XII.

*De Satisfactione, quæ est tertia pars Sacramenti Pœnitentiae.*  
*Et primò, de eius essentia.*

Satisfa-  
ctionis du-  
plex Acces-  
tio.

**C**erca hanc questionem: Notandum Primò:  
Nomen Satisfactionis esse commune ad cō-  
pensationem, que fit in rebus ex cōtractu,  
vel damno illato, quæ cōpensatio propriè  
dicitur Restitutio: & ad eam, que fit in commuta-  
tione actionum, presertim ex illata iniuria; que,  
quia proprio nomine caret, retinet nomen gene-  
ricum Satisfactionis.

Debetur  
Deo, pro  
illata ei  
iniuria,

Notandum Secundò: Per peccatum fieri iniuri-  
am Deo, dum Deus per illud quodāmodò con-  
temnitur, eiusq; honor leditur. Vnde pro eo, Iure  
natura debetur Deo Satisfactionis. Si enim homini  
debita est satisfactionis ob iniuriam ei irrogatam,  
multò magis Deo. Hæc autem Satisfactionis est du-  
plex: scilicet pro culpa peccati, & pro pena. Pro  
culpa quidē: Quia enim peccator voluntariè Deo  
fecit iniuriam ledens eius honorem, obligatur ad  
hanc voluntatem retractandam, & contrario affectu  
diuinum honorem sarcinendam: quod fit actu  
cōtritionis, quo dolemus de iniuria Deo illata, &  
contrario affectu honorem diuinum restituimus,  
(non quidem efficaciter, sed quo ad effectum:) proponentes Deo obediens. Et hæc dicitur satisfac-  
tionis tendat ad reconciliationem.

Satisfa-  
ctionis, alia  
pro culpa,

Etio pro culpā, id est, pro voluntariā in Deum in-  
iuriā, quatenus hæc iniuria constituit hominē for-  
maliter peccatorem, & iniuriam in Deū: oriturq;  
obligatio huius satisfactionis in peccatore imme-  
diate ex ipsa culpa. Altera satisfactionis est pro pena  
debita: nam ex iniuria oritur in eo, cui iniuria  
infurit, ius puniendi siue per se, siue per judicem:  
& in peccatore oritur reatus penæ, id est, obliga-  
tio sustinendi penam. Et quamus non sit necesse  
ad æqualitatem iustitiae, vt peccator sibi penam  
inferat (satis enim est, vt alter, qui offensus est, eam  
infligat:) tunc tamen non erit verè Satisfactionis, sed  
Satisfactio. Vnde vt propriè dicitur satisfacere pec-  
cator, necesse est vt iniuriam in se vindicet, sibi, & Sati-  
factionis penam infligat; presertim cum hæc satisfac-  
tionis tendat ad reconciliationem.

Notandum Tertiò: Remissā culpā mortiferā,  
id est, condonatā iniuriā, seu laſione honoris di-  
Remissā  
uini (quatenus constituebat hominem formaliter culpā more  
peccatore) & consequenter remissā penā eternā, que & po-  
manere debet penā temporalis. Nam homine nā eterna  
justificato, non potest debitū penā eternā quod remanet  
antē erat, permanere: sed necesse est vel totū tolli, debet po-  
vel commutari in debitum penā temporalis, vt nā tem-  
poralis.

Doctores

Doctores loquuntur; id est, tolli aeternitate, &c remanere debitum poenarum per aliquod determinatum tempus sustinendarum. Fieri enim nequit, ut iustificatus sit debitor penae aeternae, cum habeat ius ad eternam beatitudinem, quoniam non minus est efficax, quam debitum poenarum; immo est efficacius: nam contra iustitiam esset, si ei non satisficeret; non autem esset contra iustitiam, si pena non solueretur. Quid vero non tollatur totum debitum penae per iustificationem, patet ex dictis supra quæst. 86. art. 4.

Pari modo virtute huius Sacramenti aliiquid ele-  
trahitur: Nam hoc Sacramentum non solum ad  
remissionem culpæ & peccatum est institutum,  
sed etiam peccatum temporalis; quia institutum est  
ad perfecte delendum peccatum.

Verum quia ordinariæ neque cōtritio est adeo perfecta, vt totum debitum poenam temporalis, quod præcisè ratione iustificationis supereret, tollat; neque etiam ipsa absolutione totum quod reliquum est, auferat; ideo Dominus huius Sacramenti partem tertiam voluit esse Satisfactionem, quæ partim via sua, partim virtute Clavium delectat, quod reliquum est poenam temporalis.

Cur Chistus voluerit satisfacionem esse patrem Sacramenti §

Quantum  
id sit, soli  
Deo nō sit,  
maneat pœnatum, soli Deo notum est, cuius  
tritio hæc res determinatur. Certum tamen est, esse  
aliquid determinatum. Quod tamen varium est,  
pro varietate, grauitate, & multitudine peccato-  
rum: de quo tamen aliquid detrahitur per contri-  
tionem, qua peccator se disponit ad iustificationē.  
Si enim hæc tritio est meritoria gloria, vt ple-  
rique Doctores tradunt, cur non etiam remissio-  
nis pœnae temporalis? quin imò potest hæc esse  
tam vehemens, vt omne debitū pœnae exhaustiat.

Ex his patet quid sit *Satisfactio*: quod D. Thomas explicat hanc quā 12. Nam *Satisfactio* hoc loco generatim est *Compensatio iniurie per peccatum Deo illata*; etq; duplex, scilicet pro culpa, & pro pœna; *Satisfactio pro culpa*, est cōpenſatio pro iniuria Deo illata, quatenus illa constituit hominem formaliter peccatorem. *Satisfactio pro pœna*, est compensatio pro iniuriā, quatenus inducit reatum pœna, seu obligationem pœnae sustinendā.

## Q V A E S T I O     XIII.

## *De Satisfactionis possibilitate.*

## ARTICVLVS I.

*Vtrū possit homo Deo satisfacere?*

**N**otandum est: Hominem dupliciter esse Deo debitorem. Primo: Ratione beneficiorū; & sic pro modulo suo ei satisfacit per virtutē Religionis, vt sacrificio, laude, gratiarum actione &c. Sed de hac satisfactione nō est hīc quæstio. Secundo: Ratione iniuriae illatae per peccatum. In peccato autem sunt tria, pro quibus potest intelligi fieri satisfactio, scilicet culpa, pœna eterna, & pœna temporalis, quæ remissâ culpâ & pœnâ eternâ superest luenda. Nunc remis-

DVBRIVM L.

*Vtrum homo possit condignè satisfacere pro  
culpa mortifera, & pœna aeterna?*

**Q**uidam Catholici existimarent, posse; idque  
8 dupli fundamento: Alterum est, Quia cō-  
tritio naturā sua delet peccatū, sicut lux tenebras;  
ac proinde satisfacit pro illo: in tali enim modo  
delendi peccata implicitē continetur efficacissima  
satisfactio. Alterum est, Quia contritio & quialet  
inuriæ Deo illatae, eamque ex aequo compensat:  
quia non minus efficaciter honorem Dei inflatur,  
quam eum laetatur: sicut enim laetit solo affectu,  
ita etiam affectu eundem resarcit.

9      Respondeo & Dico Primò: Contritio non de-  
Verius est let culpam mortalem, tamquam forma contraria,  
contritione Est communis sententia Doctorum.  
non deleri

Probatur Primo: Ex Concil. Trid. sess. 6. c. 6.  
vbi dicit, *Contritionem esse dispositionem ad iustificationem: ergo non est causa formalis iustificationis,*  
*ac proinde non delet formaliter peccatum ut forma contraria.* Capite 7. dicit remissionem peccatum  
consequi serie dispositiōnū capite 6. de-  
scriptam, in qua serie includitur contritio: atqui,  
*Si formaliter heret remissio culpa per contritio-*

non sequeretur, sed intimè in eâ includeretur, Eodem capite 7. docet nos formaliter iustos esse per donum quoddam permanens, quod nobis infunditur secundùm mensurā nostrā dispositio-nis: atqui contritio neque est donum permanens, neque propriè infunditur, neque datur secundùm nostram dispositionem, sed ipsam est dispositio-nis: atqui contritio neque remitti, neque remissa vñquam fuisse peccata, nisi gratia diuinā misericordiā propter Christum: atqui iuxta illam sententia non remitteretur gratis, neque ex misericordia, sed ex iustitia; immo ex naturali necessitate, sicut infusa luce delētur tenebra. Nec sufficit, si dicas peccata gratis remitti, quatenus gratis datus auxilium praeueniens, quo auxilio peccator elicit contritionem: quia sic etiam dicere possemus vitam eternam numquam dari, nisi gratis & ex misericordia, non autem ex meritis: nam auxilium praeueniens ad merendum datur gratis.

Abfusder  
rimm.

Probatur Secundò: Ex illa sententia sequitur, remissionem peccatorum non esse nouum beneficium pœnitentibus distinctū ab actu contritionis: nam intrinsecè includitur in contritione, veluti intrinsecus effectus eius formalis, sicuti depulsio tenebrarū intrinsecè includitur in lumine, nec est quid distinctum; & sicut exclusio cœxitatis includitur in visu: atqui hoc est contra Scripturas, quibus promittitur remissio peccatorū pœnitentibus, tanquam nouum & sumnum beneficium: Ezechielis 18. v. 21. *Si impius egerit pœnitentiam, omnium iniquitatū eius non recordabor.* Proverb. 28. v. 13. *Qui confessus fuerit scelerū sua, & reliquerit ea, misericordiam conseqetur:* & alibi. Et est contra Concilium Trident. scilicet 14. c. 4. Fuit, inquit, quis tempore ad imperrandam peccatorum veniam hic contritionis motus necessarius, & in homine post Baptismum lapsi ista denuntiata preparatus ad remissionē peccatorum, si cum fiducia in diuinę misericordiam, & voto prestanti reliqua coniunctus sit: ubi Concilium duplēcim distinctionem insinuat,

X y v iii

## Probatus